

華秉麾醫學心傳全書

癸酉春正月
秦文錦署簽
五



華秉麾新著醫學心傳四集

目錄

序

改正仲景傷寒目錄

太陽病風傷衛

太陽病寒傷營

太陽病營衛併病

少陽病溫瘧


少陽病寒瘧

少陽病溫寒併瘧

少陽病三陰瘧疾

太陽陽明併病

一一二三四五六



少陽病

太陽膀胱病二

陽明病

少陰心腎病三

陽明胃經

少陰心腎病

厥陰肝病

陽明病

太陽病中風二

陽明病

少陰病三


太陰病

十二 十一 十 九 八 七 七 六 六 六



少陰病	十二
少陽胆病	十三
太陰病	十四
少陰病	十五
仲景原方一百十三	十六
華氏經驗丹方目錄	二十二
經驗丹方	二十五
冷僻字檢查	三十二
跋二	一一

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----



華氏醫學心傳四集

改正張仲景傷寒方序

甚矣。醫之難言也。其間奧妙無窮。變遷不一。溯自黃帝岐伯。而後綿綿延延。迨至漢儒張仲景先生崛起。始爲立方鼻祖。所著傷寒一百十三方。後人何敢疵議。惟數千年間。遭兵燹者屢矣。斷簡殘篇。不無錯誤。加以後人穿鑿。已失其立方本意。况其時藥味尙未全備。自然力量不足以迅速奏效。而所治之人。又以北方強壯之體爲多。未曾治及南方人。故總覺不甚滿意。即百家合注著傷寒論一書。亦議論紛紜。莫衷一是。能令閱者神志昏沉。而定名概曰傷寒。殊不切合。其所謂傷寒者。實風傷衛。寒傷營兩種。麻黃桂枝湯兩方而已。此外中風。溫病。中寒。熱病。諸瘡。腎病。絡病。肝胃病。肺病。一切。均目之謂傷寒。後學何從探索。此猶類於本草之書。定名曰本草。蓋嘗百草之時。尙未全備。不料草本之外。尙有木本。有金石。有飛禽。走獸。有昆蟲。水族。有人身之品。此不可不知也。否則必誤會一百十三方。盡屬傷寒矣。余就原方擇其尤要者。體察病情。逐一酌改。務令其除病之迅速。而尤合乎

南方之體質。南方之氣候地理。斟酌今古。改正四十方左右。而仍不失乎仲景原有之宗旨。不過一闢百家之臆斷妄議云耳。此書似有裨於社會。而亦指示後之學者。不入迷途。也是我非我。知我罪我。在所不計也。

華秉曆新編改正仲景傷寒方

太陽病。風傷衛。衛皮膚也。衛受風邪。頭疼項強脊痠無汗。原方用麻黃湯。

原方

麻黃

桂枝

杏仁

甘草

改正方

淡豆豉貳錢

羌活貳錢

桂枝壹錢

炙甘草壹錢

牛旁子叁錢

蘇梗叁錢

生姜貳片

大棗叁箇

診斷傷寒表邪未達。故無汗。用淡豆豉以表之。頭疼用羌活以祛風。脊痠用桂枝以通絡。太陽病。寒傷營。營肌肉也。營受寒邪。入於腠理。故發熱惡寒口渴。原方用桂枝湯以達肌肉之寒邪。

原方

桂枝

白芍

甘草

生姜

大棗



改正方

桂枝式錢

蘇梗叁錢

泡姜捌分

製香附式錢

炙甘草壹錢

大棗伍箇

診斷。寒邪入於肌肉。欲表其邪。而祛其寒。是以溫通筋絡爲先。故重用桂枝。桂枝溫絡之上將也。佐以蘇梗。則可疏其寒邪。而冀其退熱。佐以泡姜香附之溫品。愈可奏功。甘草和衷。和衷則病可去。佐以大棗以扶其正氣。原方用芍藥大誤。卽甘草亦不註明生熟。又無分量。疏忽而淺。無怪遷延誤事。

以上二方說明。凡傷寒表病初起。其人脉必定是浮。惟浮而不緊者。頭疼怕風而已。尙未一定項強脊痠也。所謂僅屬風傷衛是也。須怕風而兼怕寒。其時脉則浮而緊矣。斯時也發熱惡寒無汗矣。舌苔或無或薄白。口尙未渴也。

傷寒第二步。寒傷營。此乃風與寒交相而作。定必怕風怕寒。而大發熱。無汗之時矣。斯時也。其人之脉象定必浮中帶緊矣。知其爲傷寒表病第二步矣。舌苔白色。口渴而不思飲。倘汗未出透。頭尙疼。須加淡豆豉羌活各二錢。要服至頭不疼爲止。可免傳經。此余屢試

之效驗。最爲至要。

太陽病。風傷衛。寒傷營。二者併病同時而起。原方用麻黃桂枝湯

改正方 淡豆豉叁錢

羌活貳錢

桂枝壹錢五分

荊芥貳錢

防風貳錢

杏仁叁錢

炙甘草壹錢

生姜叁片

大棗柒箇

診斷。何謂二者併病。緣但屬風傷衛。雖受風邪。尙未發熱。僅頭疼無汗耳。及至兼病。則頭疼項強。惡風惡寒。發熱口渴矣。脉浮而緊。惟初受風寒。舌苔白薄。卽口渴而不能多飲。此無汗之正傷寒也。故用豆豉以代麻黃。如豆豉不發汗。則其人皮膚緊。或適遇冬令嚴寒。不得已。改用麻黃八分。方用荊芥防風羌活豆豉重劑。務求汗出。務求出汗後頭不疼。項不强。不畏風。即可全愈。不另生病矣。前人不知此中真諦。以致誤到傳經。陷於少陽胆經。或陽明腸胃。再誤則陷於心腎等經矣。可不懼哉。以上三法。即余十拿九穩之無上妙訣也。說明。此卽所謂風傷衛寒傷營之併病也。風傷衛。其風邪侵犯皮膚。畏風矣。寒傷營。其

寒邪侵犯肌肉。畏寒矣。二者相併。傷寒太陽經之最重者。故其人勢必頭疼。項強。脊疼。怕風。復怕冷。惟不出汗。則外邪無出路。所以內熱耳。脉浮而緊。口渴不能飲水。舌苔白且薄。口苦而不知味。此真傷寒也。此外傳經。不得名之曰傷寒。傷寒論之亟應改正也。少陽病有變而爲瘧疾者。此少陽胆經與陽明腸胃併病也。原方亦不過大柴胡湯小柴胡湯之類。

大柴胡湯

柴胡

黃芩

半夏

生姜

大棗

大黃

枳實

白芍

小柴胡湯上詳

瘧疾有溫瘧寒瘧。有寒熱往來之瘧。有有汗不退熱之瘧。瘧有三陰瘧。須分別清楚。然後着手得以成春。

何謂溫瘧。亦屬少陽陽明之併病。濕溫病每多溫瘧。其爲病也。不畏寒。只畏熱。熱勢甚熾。着手焦灼。得汗卽退。明日又來。

主方

柴胡 壹錢半

黃芩 叁錢

知母 叁錢

木瓜 叁錢

竹茹 叁錢

川貝 式錢

茯苓 叁錢

炙甘草 壹錢

枳實 式錢

檳榔 叁錢

常山 式錢

青皮 式錢

川雅連 柒分

杏仁 叁錢

鬱金 叁錢

診斷。方中退瘧。全賴常山一味。此外疏肝胆之濕熱。所以木瓜祛其濕。黃芩川連清其熱。川貝竹茹杏仁清化其痰。枳實檳榔清消其食。茯苓利濕。青皮健胃。甘草和中。絲毫不用濕品。治法得之矣。此方治溫瘧極靈。

說明。此少陽胆經之病。由太陽傳經而進。初步有汗而尚不多。其人之脉半表半裡。即半沉半浮是也。今乃浮減而沉多。當然少陽又爲之進步矣。徐徐而入胃經。即不結胸而胃已停。而胃脉沉而無力。胆脉却見洪速。故和解之中。須添化痰消食之品耳。舌苔黃膩。口渴而能多飲矣。

何謂寒瘧。發時冷甚。可覆棉被。尚畏寒。熱來度數比冷時爲短。汗後卽退。明日再來。或間

日一至。此乃夏令貪涼。身受重寒。交秋始發。

主方

柴胡壹錢

煨草果式錢

泡姜捌分

桂枝壹錢五分

常山式錢

姜製半夏叁錢

枳榔叁錢

炙甘草壹錢

陳皮壹錢

診斷。此病寒重於熱。若用涼藥。其病反重。故用桂枝泡姜以去陰中之寒。草果溫化胃。陳皮甘草以和中。半夏以化痰。常山以絕瘧。此方治寒瘧極靈。

說明。此胆經傳入胃經。先寒後熱。內熱更深。脉象不在表而在裡。沉而且緊矣。木尅土而脾不振。胃中堅硬。痰食相搏而結胸而成瘧也。舌苔與上同。仍多飲矣。

何謂溫寒瘧。因夏令貪涼。日受熱氣。夜受寒氣。恰恰多吃食物。多生濕痰。爲寒熱相迫而成。以致深秋發作。辨明寒多熱少。或熱重寒輕。用藥寒溫並進。寒重偏於溫。多用溫性。少用涼性。熱重多用涼品。少用溫品。隨人定方。卽屬高手矣。如拖久加贅甲。伍錢

主方

柴胡壹錢半

葛根叁錢

枳實式錢

草果式錢



南京中醫藥大學圖書館版權所有

製半夏 叁錢

青皮 壹錢

陳皮 壹錢

常山 式錢

炙甘草 壹錢

雲苓 叁錢

診斷。因寒熱往來。或一日一至。或二日一至。至有定時。久則或移早。或移後。方用柴葛以解其熱度。用平性之枳實溫性之草果。以消中焦停食。用製半夏陳皮以化中焦之停痰。所謂無積無痰不成瘡者此也。用常山絕瘧。因其力最大也。且常山亦化痰之妙品也。用雲苓以祛膀胱之濕邪。甘草和中。青皮消食。久則何以要加鱉甲。因久則生瘡塊。即瘡母鱉甲有破癥之功。不可忘也。

說明。以上諸瘧。如大便乾結。僅用消化力無功。只得用承氣湯下之。舌苔口味與上同。承氣湯

大黃 式錢

元明粉 式錢

炙甘草 壹錢

枳實 式錢

木香 式錢

檳榔 叁錢

鬱金 叁錢

何謂三陰瘧疾。另有一種三天一次。大寒大熱。熱後汗有即退。此種惡瘧。一二三年無定。俗稱三日頭。

主方

常山 叁錢

驚甲 伍錢

烏梅 叁枚

葶藶 叁錢

泡姜 壹錢

紅花 貳錢

大棗 拾個

製半夏 叁錢

陳皮 壹錢

草果 叁錢

萊復子 叁錢

萸肉 叁錢

茯苓 叁錢

焦白朮 叁錢

炙甘草 壹錢

診斷。此種惡瘡。盡屬寒痰凝結。所以重用葶藶製半夏萊復子。又因久則必有瘡塊。所以用紅花驚甲以破其瘡母。用烏梅萸肉以斂肝經。因久瘡每因斂見功也。此外用白朮以扶脾土。甘草以和中焦。泡姜以祛內寒。此陽明少陽併病也。此種病可用參以扶正氣。因病久其人必虛耳。

說明。此種脉象。沉而無甚大力。面黃飢瘦。口少津液。

太陽陽明併痛。是皮膚之寒邪未清。早服消化之藥。引賊入門。中焦停食結胸。而頭仍疼。依舊惡寒。或依舊項強。原方不表其邪。反以陷胸湯或承氣湯投之。勢必發生漏底。可不畏哉。

主方

淡豆豉壹錢半

蘇梗叁錢

羌活壹錢

桂枝壹錢半

生姜叁片

大棗柒個

炙甘草壹錢

前胡壹錢半

診斷仲景傷寒論亦以表邪未清仍用麻黃湯以達其邪。惟後人紛紛議論多主陷胸湯等以治陽明。不知一誤再誤。病人久病陰傷。陰傷則有人不敢發表。然而病屬外邪。不發表何能補救。所以方中仍用豆豉蘇梗前胡以達其邪。務令多出汗。候其頭不疼項不强。然後理及腸胃。仍以桂枝溫絡。生姜祛寒。大棗扶其正氣。甘草和中。此種病因出汗不透之故。

少陽病發熱多汗。以致肝胆之火上冲胃經。未免結胸飽脹。不能多食。原方用調胃承氣湯。或陷胸湯。

調胃承氣湯

大黃

砒硝

甘草

陷胸湯

大黃

砒硝

甘遂

葶藶

杏仁

白蜜

改正方

柴胡壹錢半

葛根叁錢

枳實式錢

枳榔叁錢

如痰多加 製半夏 叁錢

陳皮 壹錢

炙甘草 壹錢

杏仁 叁錢

診斷原方太嫌霸道。肝經熱邪未退。胃經停食未化。而遽用大黃砒硝甘遂以下之。誠恐引賊入門。賊未逐去。反將後門墻壁推倒。改正之方。仍用柴葛解肌。加以枳實枳櫚消化甘草和中。方爲合法。如已生痰。略用製半夏陳皮以化之。如胆熱之甚。宜加龍胆草 伍分說明。此少陽胆病。初步。其人之脉。輕按有而重按亦有。即所謂病在半表半裏也。而胆脉較之他脉又稍覺有力。此傷寒傳經初進門也。故頭不疼而有汗矣。所以立方和解焉。舌苔黃薄。口渴而能多飲矣。

另有一種因早下而表邪未清。病人愈加發熱。亦當用上方以疏其邪。始爲合法。

陽明病。結胸病。表邪未清。若一味亂下。元氣大傷。竟有無從表汗。亦有用補品以助之。古人有用黃芪羌活二味補表兼施之法。亦當採取以備一格。

太陽表邪已除。頭不疼。項不强。小便照常通利。而小腹忽然鞭硬。此瘀血積於膀胱也。原

方用抵當湯以祛其瘀血。

原方

水蛭

蟲蟲

改正方

紅花式錢

桃仁叁錢

川芎式錢

當歸叁錢

診斷。原方少見。人不常用。加以藥店亦有不備此類者。既有瘀血停結。當然用正式之紅花。桃仁。當歸。川芎之類。亦足以祛瘀。如若仍舊鞭硬。藥力不足以達病。加益母膏叁錢。此

太陽膀胱之病也。倘屬受寒。加桂枝壹錢

泡姜伍分

前後諸病總說明。凡瘧疾與上同一脉象。同一舌苔。惟亡陽及夾陰傷寒二種。尺脉必細弱。或竟難尋。然腎絕則死。舌苔非光即抽心。或黑如鏡緞。而顴骨淡紅色矣。另有一種少腹停瘀。脉象帶滯。一種水脹。脉象浮。或弦直。此外學者可以類推。舉一反三矣。太陽膀胱病。有表邪已除。而濕熱鬱於小腸。小腸癰閉。小便不通者。原方用五苓散以治之。

原方

猪苓

茯苓

白朮

澤瀉

肉桂

改正方

車前子 叁錢

淮木通 壹錢半

滑石 肆錢

猪苓 叁錢

茯苓 叁錢

澤瀉 叁錢

生草稍 式錢

五茄皮 叁錢

診斷。膀胱既屬熱結。則不宜用玉桂。玉桂寒結則可。熱結則不可。方用車前子木通通行水重劑。五茄皮去濕。方可見效。原方僅用猪苓茯苓澤瀉等。未免力微。力微何能奏功。此理不可不知也。

陽明病。其人口渴面紅。脉洪大。發狂囈語。此熱入心胞。自當急急下之。原方用承氣湯。方見上

改正方

生石羔 伍錢

川雅連 捌分

生大黃 式錢

元明粉 式錢

生地 叁錢

石菖蒲根 式錢

黃芩 式錢

知母 叁錢

診斷。此病熱勢甚重。胃腸胞絡完全火熾。所以囈語發狂矣。若僅用承氣湯下之。恐無濟於事。方用川連以解心火。石羔生地黃芩以除胃火。菖蒲能開三焦之竅。知母清而養陰。始可合法。